



Caribisch Nederland  
Belasting



# Inkomstenbelasting

## **E foyeto aki ta ofresé bo informashon tokante Inkomstenbelasting**

E korespondiente lei nobo ta mashá similar na e “Landsverordening op de inkomstenbelasting 1943”, ku a apliká último añanan i komo tal ta konosí. Tòg ta bon pa sa ku tin algun kambio importante.

## **E prinsipal kambionan ta:**

Adaptashon di e tarifa. Antes e tarifa tabata ta segun diferente kategoria (“schijventarief”), ku ta kore di 12,5 te 47,5%, inkluyendo 25% di “opcenten”. Awor, pa mayoria di habitantenan, tin solamente un (1) tarifa: 30,4%. Den e tarifa akí tin inkorporá tambe e prima di AOV/AWW i e prima di seguro di kuido. Ke men ya no ta kobra esakinan apart.



## **Inkomstenbelasting**

Pa entradanan ku ta surpasá USD 250.000,- pa aña, ta apliká un tarifa di 35,4% pa e impuesto riba entrada.

No por dedusí e interes hipotekario segun e tarifa di 35,4%, sino semper segun e tarifa di 30,4%.

Entrada prosedente di un interes konsiderabel no ta kai bou di e tarifa general. Pa e entradanan akí lo apliká un tarifa di 5%.

Lo tin un suma general ku ta liber di impuesto i di prima ku ta monta USD 10.813,-.

Por oumentá e suma liber di impuesto akí ku:

- USD 1.386,- pa kada yu, ku un máksimo di 2 yu.
- USD 1.222,- pa personanan di 60 aña di edat o mas.

Gastunan dedusibel ta keda eksistí. Ta trata por ehèmpel di dedukshon ya mensioná di interes hipotekario i di e gastunan di mantenshon di vivienda propio, diferente gastu personal i gastunan ekstraordinario.

E entradanan prosedente di biennan rais ku e doño ta hür ku otro persona o instansia, no ta dedusibel mas den Inkomstenbelasting. E biennes rais aki ta kai bou di “Vastgoedbelasting”.

Pa entrada na interes i dividènt lo tin eksonerashon di interes di USD 5.000,- i eksonerashon di dividènt di USD 5.000,-. Ke men ku te na e respektivo entradanan akí no ta imponé impuesto riba entradanan na interes i dividènt.

E areglo di penshonado ta kaduká. Loke sí lo ta na vigor ta un periodo di transishon di 4 aña pa e aktual penshonadonan. Konsekuentemente, entrante 2015, esnan ku na e momento akí ta kai bou di e areglo eksistente, lo kai bou di e reglanan normal di impuesto riba entrada.

## Algun ehèmpel:

### 1

Un persona ta traha, e no tin yu i e tin un entrada di USD 12.500,-, riba kua por kobra e impuesto. Pa e promé USD 10.813,- e no ta paga ni impuesto, ni prima.

P’esei e ta paga impuesto i prima riba solamente USD 1.687,-.

E ta paga 30,4% IB (ku ta inkluí AOV/AWW i seguro di kuido) riba e montante di USD 1.687,-, ku ta sali USD 513,-.

### 2

Un famia ku 2 yu, di kua tur dos ta bai skol básiko. E tata so ta traha i e tin un entrada di USD 40.000,-. Pa e promé USD 10.813,- e no ta paga ni impuesto, ni prima. Ta oumentá e montante akí ku ta liber di impuesto ku USD 2.238,-, komo e famia tin dos yu. E montante liber di impuesto lo ta en total USD 13.051,-.

E montante pa kua mester paga impuesto lo ta: USD 40.000 -/ - USD 13.051 = USD 26.049,-.

E ta paga na “Inkomstenbelasting” (“IB”) di 30,4% (ku ta inkluí AOV/AWW i seguro di kuido) riba e montante di USD 26.049,-, ku ta sali USD 8.192,-.

